



**Iván Rodríguez Jiménez**, secretario do Xurado Provincial de clasificación de montes veciñais en man común de Ourense

**CERTIFICO:**

Que na sesión do **16 de decembro de 2024** o Xurado adoptou, entre outros, o seguinte acordo:

**XVI.-** Consúltase ao xurado sobre a posibilidade de incluír un asunto que inicialmente non puido constar na orde do día, que o xurado decide valorar.

Refírese ao expediente de clasificación como veciñal en man común do monte denominado "O Picouto dos Corvos", a favor da CMVMC de Ramirás, no concello de Castrelo do Miño.

O Xurado acorda a clasificación do monte, unha vez publicado polo concello o edicto do inicio da clasificación como monte veciñal en man común polo período dun mes sen que se presentasen alegacións, publicado tamén o edito no DOG e recibida a certificación do Rexistro da Propiedade.

Vº. e praxe

O Presidente do Xurado

José Antonio Armada Pérez



**VI. ANUNCIOS****A) ADMINISTRACIÓN AUTONÓMICA****CONSELLERÍA DO MEDIO RURAL**

*EDICTO do 15 de xaneiro de 2025, do Xurado Provincial de Clasificación de Montes Veciñais en Man Común de Ourense, polo que se publica a resolución do expediente de clasificación como veciñal en man común do monte denominado O Picouto dos Corvos, a favor da comunidade de montes veciñais en man común de Fragoso, no concello de Castrelo de Miño.*

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e de conformidade co disposto no artigo 45 da Lei 39/2015, do 1 de outubro, do procedemento administrativo común das administracións públicas, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar o 16 de decembro de 2024, adoptou a seguinte resolución:

Examinado o expediente de clasificación como veciñal en man común do monte denominado O Picouto dos Corvos, a favor da comunidade de montes veciñais en man común de Fragoso, no concello de Castrelo de Miño, resultan os seguintes feitos:

Primeiro. O 20 de marzo de 2023 tivo entrada no rexistro da Xefatura Territorial da Consellería do Medio Rural un escrito da CMVMC de Ramirás, dirixido ao Xurado Provincial de Clasificación de Montes Veciñais en Man Común, en que solicitaba a clasificación como veciñal en man común de varias parcelas denominadas O Picouto dos Corvos, a favor da comunidade de montes veciñais en man común de Fragoso, no concello de Castrelo de Miño.

Segundo. O 14 de maio de 2024, o Xurado Provincial acordou iniciar o expediente de clasificación como veciñal en man común do referido monte, designando instrutor e realizando as comunicacións e publicacións a que fan referencia os artigos 20, 21 e 23 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período dun mes para a práctica de alegacións.

Terceiro. No prazo concedido para a práctica de alegacións non consta que se presentase ningunha.



Cuarto. O monte obxecto de clasificación, de acordo coa documentación obrante no expediente, descríbese así:

Nome do monte: O Picouto dos Corvos.

Superficie: 2,36 ha.

Pertenza: CMVMC de Fragoso.

Parroquia: Macendo (Santa María).

Concello: Castrelo de Miño.

Descrición dos predios que constitúen o monte:

Predio único:

Os terreos incluídos neste predio constitúen un único couto redondo, segundo a definición que figura no artigo 8 da Lei 7/2012, do 28 de xuño, de montes de Galicia, ben que están atravesados por un camiño sen catastrar.

Parcelas obxecto de clasificación	Parcelas estremeiras	
Referencia catastral	Estremas	Referencia catastral
32023A03000048 (parte)	Norte	32023A03509001 32023A03509003 32023A03009004
	Leste	32023A03009004 32023A03009002
	Sur	32023A03009002 32017A10700209
	Oeste	32017A10700209 32023A03000086
	Enclavados	32023A03000089

Fundamentos de dereito:

Primeiro. O Xurado Provincial de Clasificación de Montes Veciñais en Man Común é o órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.



Segundo. De conformidade co disposto no artigo 1 da dita lei «son montes veciñais en man común... os que, con independencia da súa orixe, das súas posibilidades produtivas, do seu aproveitamento actual e da súa vocación agraria, pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade sen asignación de cotas os membros daquelas na súa condición de veciños».

Terceiro. É reiterada doutrina da Sala do Contencioso-Administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento aos veciños integrantes dun grupo social determinado, independentemente da súa cualificación ou non como entidade administrativa, correspondendo constatar o aproveitamento e atribuír a titularidade a favor do grupo social que o veña gozando ao Xurado Provincial de Clasificación de Montes Veciñais en Man Común de Ourense.

Cuarto. O carácter de monte veciñal en man común está acreditado mediante as testemuñas dos veciños solicitantes, as actuacións realizadas polo Servizo de Montes e a documentación que consta no expediente.

En consecuencia co que antecede, examinada a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 223/2022, do 22 de decembro, que establece a estrutura orgánica da Consellería do Medio Rural, e demais normativa legal e regulamentaria, o Xurado Provincial, por unanimidade dos seus membros,

#### RESOLVE:

Clasificar como monte veciñal en man común o monte denominado O Picouto dos Corvos, a favor da comunidade de montes veciñais en man común de Fragoso, no concello de Castrelo de Miño, de acordo coa descrición realizada no feito cuarto.

Contra esta resolución, que pon fin á vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso-administrativo perante o Xulgado do Contencioso-Administrativo de Ourense, no prazo de dous meses contados desde o día seguinte ao desta notificación, de acordo co



disposto no artigo 12 da citada Lei 13/1989, nos artigos 123 e 124 da Lei 39/2015, do 1 de outubro, do procedemento administrativo común das administracións públicas, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.

Ourense, 15 de xaneiro de 2025

José Antonio Armada Pérez  
Presidente do Xurado Provincial de Clasificación  
de Montes Veciñais en Man Común de Ourense

CVE-DOG: x3xfy24-psd0-ydl9-ztu3-agxgp6ubuwf7



**VI. ANUNCIOS****A) ADMINISTRACIÓN AUTONÓMICA****CONSELLERÍA DO MEDIO RURAL**

*CORRECCIÓN DE ERROS. Edicto do 15 de xaneiro de 2025, do Xurado Provincial de Clasificación de Montes Veciñais en Man Común de Ourense, polo que se publica a resolución do expediente de clasificación como veciñal en man común do monte denominado O Picouto dos Corvos, a favor da Comunidade de Montes Veciñais en Man Común de Ramirás, no concello de Castrelo de Miño.*


Advertido un erro no devandito anuncio, publicado no *Diario Oficial de Galicia* núm. 25, do luns 3 de febreiro de 2025, cómpre facer a seguinte corrección:

No sumario, nas páxinas 9163 e 9377, onde di: «Edicto do 15 de xaneiro de 2025, do Xurado Provincial de Clasificación de Montes Veciñais en Man Común de Ourense, polo que se publica a resolución do expediente de clasificación como veciñal en man común do monte denominado O Picouto dos Corvos, a favor da comunidade de montes veciñais en man común de Fragoso, no concello de Castrelo de Miño», debe dicir: «Edicto do 15 de xaneiro de 2025, do Xurado Provincial de Clasificación de Montes Veciñais en Man Común de Ourense, polo que se publica a resolución do expediente de clasificación como veciñal en man común do monte denominado O Picouto dos Corvos, a favor da Comunidade de Montes Veciñais en Man Común de Ramirás, no concello de Castrelo de Miño».

No parágrafo terceiro da páxina 9377 e no parágrafo quinto da páxina 9379, onde di: «O Picouto dos Corvos, a favor da comunidade de montes veciñais en man común de Fragoso, no concello de Castrelo de Miño», debe dicir: «O Picouto dos Corvos, a favor da Comunidade de Montes Veciñais en Man Común de Ramirás, no concello de Castrelo de Miño».

No punto cuarto da páxina 9378, onde di: «Pertenza: CMVMC de Fragoso», debe dicir: «Pertenza: CMVMC de Ramirás».






- O Picouto dos Corvos
- Ampliación de Fragoso
- Ampliación de Fragoso (solicitud)
- Montes clasificados
- Concellos\_IGN

**XUNTA DE GALICIA**  
 CONSELLERÍA DO MEDIO RURAL  
 SERVIZO DE MONTES DE OURENSE

Proposta de clasificación como MVMC dos montes "Ampliación de Fragoso" e "O Picouto dos Corvos" a favor da CMMVVMC de Ramirás, no concello de Castrelo de Miño



ESCALA:  
**1:8000**  
 DATA:  
**Xuño 2023**

Sistema de referencia ETRS89  
 Coordenadas UTM  
 Fuso 29

BASE CARTOGRÁFICA:  
**PNOA 2020**  
 +  
**Catastro**